

安平縣志

仁

敘文 姓氏

凡例 目錄

一卷輿地志

二卷營建志 補遺

三卷古蹟志

康熙二十六年重修

安平縣志

忠立堂藏

安平縣志序

康熙十一年有

詔諸省各修通志上於

京師備修

皇輿一統志十餘年來直隸

安平縣志

序

諸郡縣率以舊志塞責  
鮮有新修者一統志尚  
未告成安平陳令於今  
春毅然修之凡邑中所  
有之山川土俗文獻莫

不義例畫一釐然可徵  
裝書問序於不佞不佞  
受而讀之曰盛哉

國家聲教所及也自我

皇上御極日闢國萬里薄海

內外盡入版圖既已偃  
兵尚德申文約以治之  
而更畱神於著作作高文  
典冊以次纂修誠

盛朝之大觀近今所未備

者也自禹貢周職方漢  
地理志各述其疆土貢  
賦風俗垂諸經史而夫  
子言是邦尤必徵於國  
中之文獻誠謂文以載

事而得其人則萬事畢  
舉此文獻所以爲益重  
也安平自西漢分邑夙  
號名邦凡邑中田賦徭  
役戶口營建職官俱載

在方策可以據籍而書  
至若邑中之文漢有崔  
子真政論外戚箴崔亭  
伯達旨誠實憲書晉有  
張孟陽劍閣銘唐有李

重規封建論贊道賦自  
宋以後無聞焉此則文  
之可徵者也若邑中之  
獻漢則有崔孝廉琦崔  
太守寔三國則有孟中

書令康牽太守招晉則  
有張內史協張著作載  
北齊則有崔太常暹崔  
太守伯謙北魏則有崔  
刺史楷崔武烈延伯崔

尚書孝芬北周則有崔  
刺史謙隋則有李從事  
文博崔著作作願唐則有  
崔獻王元暉崔文貞禧  
甫李宗正百藥五代則

有崔賓客稅元則有王  
副使綱明則有張給諫  
益張尚書鳳王員外健  
門主事洞開吳曹州從  
誨此則獻之可徵者也

今陳令以孟諤少保之  
孫定生處士之子而又  
得其年緯雲以爲之兒  
家學淵源固有所本今  
於安平邑乘旣已述稽

博覽復質諸薦紳父老  
謀諸邑中文學之士纂  
爲此編爛然披掌以備  
史館採擇敬答

詔書敷陳博陵文獻之盛豈

不誠大觀哉不佞旣樂  
爲序其端且竊見

朝廷右文之治興崇古學燕  
趙間丕然一變博陵雖  
彈丸小邑然得錄科名

上奏而入爲

綸閣侍從之臣出膺父母  
斯民之任者不乏其人  
則今日之著作人才卽  
爲百世之文獻古人所

謂蜚英聲騰茂實贊成  
丕業以邁越古今不佞  
幸得日觀其盛矣  
時在

康熙丁卯臯月穀旦

特加太子少保巡撫直隸等  
處地方管轄紫荊等關  
宣府一鎮地方密雲等  
關隘贊理軍務兼理糧  
餉都察院右僉都御史  
間陽于成龍謨



安平縣志序

安平爲古冀州之域漢  
興始置縣厥後鄂千秋  
司馬獻王輩嘗封國於  
此歷代以來碩儒鉅公

炳耀史策若崔駰崔瑗  
之學行後先濟美張載  
張協之文章昆季齊名  
與夫百藥之史才鉉暉  
之經術蓋亦有足多者

焉他如忠孝節烈仕宦  
顯達近代尤爲稱盛乃  
自明萬歷己丑而後闕  
焉弗載遂使山川蘊鬱  
之氣久而不舒人才風

俗之梗概日就蕪落是  
固守土者之益也今邑  
令陳君慨然修輯捐費  
聘賢勒爲成書上之史  
館以備

昭代一統志之所采擇其  
於吏治庶可無憾矣乎  
夫天下者郡邑之積也  
一腹弗備不可以爲喪  
一椽弗治不可以成室

謂萑爾僻處自安固陋  
將因循墮廢其何以仰  
體

聖謨其襄史事乎矧真定  
爲河北巨鎮阨塞險要

歷代所重而茲邑則恒  
山沲水遙爲流峙穀亭  
護林近與掩映其不可  
不亟成邑乘以昭

文治之隆尤斷斷也夫陳

君故少保公之孫而檢  
討其年之第也其篤志  
績文得之家學爲多又  
與商邱侯子朝宗爲水  
玉切磨有素固宜文筆

簡古茲乘之煥然改觀  
也余承乏一畿輔不能  
徧爲巡覽今披閱是誌  
而疆域之廣袤制度之  
沿革與夫官師之良楛  
人物之隆替風教之淳  
漓靡不瞭如指掌旣幸  
採風之有藉而且幸諸  
郡邑之得此先聲也故  
不辭而爲之序

管理直隸州名兼理驛  
傳事務巡道僉事武陵  
胡獻徵撰



安平縣志

胡序

卷

卷之二